

## Nana Comini Uri Illafue

Naga nairai Naciones Unidas railla rafuemo danomo duide. Perú iemo duide. Naga nairaimona damie jaide. Rafuena siadollena, danomo oficabidimaci. 10 de diciembre de 1948 bie rabemo ita rafuena llotimaci. Nana ie rafuena nana comini uinollena jitaiddimaci. Ie jira Perú ie gobierno bie rafuena birui cuetatate.

## Nano llogafue

Biena uiño: Nana comini jiaie comini anamo inellena, ie finua diese nagamie feinollena, nana comini uri illena, bie rafuena lloticaí. Comena nagamie jeicia jira, bie rafuena lloticaí. Nana cominimo bie rafue daje isoi duide.

Biena uiño: Ailluena comini, diga icaño jiaie cominimona duere sefuilla jira, nana comini jaciruiñeno iacana jira, naga comini rana iacana jira, bie rafuena lloticaí. Duere sefui raillano, nana comini nie isoide rafuena jaciruiñeno llollena, bie rafuena lloticaí. Duere sefui raillano, nana comini nie isoide rafuena jaciruiñeno llollena, bie rafuena lloticaí.

Biena uiño: Naga gobierno ie cominina canua, naimacimo bie isoide rafue illena. Gobierno diga, jobaime naimaci finoñellena, bie isoide rafue ie cominimo illena, naga gobierno ie cominina canua.

Biena uiño: Naga nairai jiaie nairai diga, nabairillana caijitailla jira, bie rafuena lloticaí.

Biena uiño: Naga Naciones Unidamo duide nairai bie rafuedo jaiacana jira, bie rafuena lloticaí. Nagamie comena jeiciga. Iima riño baifemo fañede. Riño iima baifemo fañede. Comini duere itinona jitañedicaí, iadedi naimaci uri caimare illana jitaiddicaí.

Biena uiño: -Danomo bie rafue llocana jaiticaí - nana Naciones Unidamo duide nairai llotimaci.

Biena uiño: Bie rafuena nana comini raise atona uinuana jitaiddicaí. Iena nana comini uinuamona, bie rafue suicana jaite.

## Danomo ofillanona bie rafuena lloticaí

Nana comini bie rafue anamo jitaiddicaí. Naga nairai bie rafuena iuana jitaiddicaí. Bie rafuena naimaci cominina llofuiana jitaiddicaí. Naga nairai bie rafue lloga uai finuana jitaiddicaí, nana naimaci comini bie rafuena ollena. Ie jira bie rafuena lloticaí.

## Rafue 1.

Nana cai comuillamona dama cai abido iticaí. Cai comuillamona jiaimie anamo inedicaí. Nana daje facaiconi iticaí. Abi uinuana comuidicaí. Dani coninirie cai nabairilla.

## Rafue 2.

Nana cominimo bie rafue duide. Naga nairaimo bie rafue duide: naga riñomo, naga imamo, Jusiñamuina sedadimie, Jusiñamuina sedañedimie, jamai bue isoidimie, jamai bue isoñedimie, dueredimie, ucuberedimie, riai uaina ñaitimie, jiaie uaina ñaitimie, diese itinomo bie rafue duide. Nie isoide gobierno anamo naimaci ia, bie rafue nana naimacimo duide.

## Rafue 3.

Nana comini illana jitaiddicaí. Jiaie comini anamo bu jacaiñenia, jiaime anamo budi naimie anamo oreñena. Nana comini jiaie cominina jaciruiñenana jitaiddicaí.

## Rafue 4.

Jiaie comemo maijillena jaca budi cominina ebe isoi fecañena. Iena caidica.

## Rafue 5.

Cominina isi cacaitañena. Duere sefuiñellena, cominina janafefitañena.

## Rafue 6.

Naga gobierno railla: -Nana cai enruemo itinodi cominidimaci. Ie jira daje isoi nagamiaiina canoiticaí -railla.

## Rafue 7.

Nana comini gobierno lloga uai anamo daje isoi itimaci. Nana cominimo gobierno lloga uai daje isoi duide. Bie rafuedo jaiñedimieona jaca buna duere sefuiñena.

Rafue 8.

Gobierno lloga uaido jaiñediñemona bu duere sefuia, naiena raise siadollena, juez dñe naimie jaillana buna rairuiñena.

Rafue 9.

Illaicominiñi jamai ebena buna gaitañena. Calabozomo, cárcelmo jamai ebena buna uiñega. Ie nairaiñi motomona budí jamai ebena dotañega.

Rafue 10.

Bumo llogidua rafue ia, naie rafue duiñena juez dñe naimiena uille, naie rafue raise siadollena. Bainino iene finoñena.

Rafue 11.

Bumo llogidua rafue ia, naie rafuena nia siadoñena, naimiena nia duere finoñena. Juez dñe naie rafuena bainino siadoñena. Naimie dibeimo itinona naimiena raiidollena rairuiñena.

Navui ie finoca nia rairuiñega rafue facaina birui naimiena duere finoñena. Rairuica rafue bu finoa, ie finoca facaise duere sefuillacino baiñemo naimie duere sefuiñena.

Rafue 12.

Nagamie jofomo uri illa. Ie illa cominiñi diga icirafuena finoñena. Bu naimiena uri itatañena, naimie jitaia, ie uri itatañediñemona naimie llogidoia, iena illaicominiñi rairuiñena. Bu naimie jeare ñaia, naimie jitaia, naimie jeare ñaitimiena naimie llogidoia, iena illaicominiñi rairuiñena.

Rafue 13.

Ie nairaimo ñine bu macariacania, illaicominiñi naimiena rairuiñena. Ie nairaimo ñine ie jofo illana bu jitaia, illaicominiñi naimiena rairuiñena.

Jiaie nairaimo bu macariacania, illaicominiñi naimiena rairuiñena. Abido ie nairaimo naimie biacania, illaicominiñi naimiena rairuiñena. Illaicominiñi naimiena caidiñena.

Rafue 14.

Duere sefuillamona jiaie nairaimo nainomo duere sefuiñellena bu jaiacania, illaicominiñi naimiena rairuiñena.

Maraiñedicino finoñena, naimie jaillana illaicominiñi rairuiñena.

Rafue 15.

Naga gobierno railla: -Nana cai eniruemo itinodiñi cai cominiñi. Cai nairaimo duudimaciñi -railla.

Gobierno ie cominina oni dotañena, jiaie gobierno naimacina feiñoiacaiñena. Cai nairaimo duiñedioñi -illaicominiñi buna iese lloñena. Jiaie nairaiñi imiena bu jaiacania, illaicominiñi iena rairuiñena.

Rafue 16.

Ie aina illena, ñie eimie riñona oiacania, iena buna rairuiñena. Ñie isoide riñona ollena buna rairuiñena. Ie ñini illena, ñie riño eiñaiño ñimana oiacania, iena buna rairuiñena. Ñie isoide ñimana ollena buna rairuiñena. Ua mei, uruiaña iaiaiaia comuitajana buna rairuiñena.

Aina ollena, ñinina ollena, conimana jitaillanona iite.

Naga ñima ie aiñi diga ia, naga riño ie ñini diga ia, ie nairaiñi judaisiñeite, iadediñi naga ñima ie aiñede riño diga icabia, ie nairaidiñi judaírite. Naimaciñi cominiñi uri illena, naimaciñi nairaiñiñi judaisiñellena, naga gobierno ie cominina canua.

Rafue 17.

Eniruena bu namataacania, jofona bu namataacania, rana bu namataacania, illaicominiñi naimiena rairuiñena. Naga come iena namataacania, jiaie cominiñi diga iena namataacania, illaicominiñi naimiena rairuiñena.

Bumona ie eniruena, bumona ie jofona, bumona ie rana jamai ebena baiñoñena.

Rafue 18.

Bue isoide ramo ie comecina facaia, buna naimiena rairuiñena. Jusiñamuina bu sedaacania, buna

naimiena rairuiñena. Nie isoidimiena bu sedaacania, buna naimiena rairuiñena. Jiaie raüedo bu jaiacania, buna naimie rairuiñena. Jiaie cominimo naimie inuacino lluauna buna rairuiñena. Ie joïomo iena lloia, jino iena lloia, naimiena buna rairuiñena.

Rafue 19.

Nie isoide ramo ie comeci facaia, naimiena buna rairuiñena. Naimie comeci facajacino muidona, naimie duere sefuiñena. Jiaie nairaimona bue isoide comecina facajacinona naimie feiñoiacania, jiaie nairaimo bue isoide comeci facajacinona naimie oretaiacania, iena illaicomini rairuiñena.

Rafue 20.

Jamai nie isoide rafue finollena comini ofitaia, naimacina buna rairuiñena. Nie isoide rafuemo bu duicania, iena buna rairuiñena.

Nie isoide rafuemo bu duiacaiñenia. Iemo naimie duiñena buna rairuiñena.

Rafue 21.

Naimie jitaia, danomo ofillano, nagamie ie illaicomini nie isoi ie nairai sedajacinodi siadoga. Naimie atona siadoiacaiñenia, naimie facaina jiaimiedi iena siadolle. Ie illaicomini rafuena bu siadoiacania, naimiena buna rairuiñena.

Illaicomini bu jaiacania, iena buna rairuiñena.

Comini jitailla diese illaicomini nana comini sedaja. Dajerie illaicomini jaillena, comini dinena naimacina fetua. Nana comini uainino naimacina fetua. Naie illaicomini meidollirui jiai lloga.

Rafue 22.

Seguro social railla rafuemo nana comini jainaiaia. Naie rafuemonia ie gobierno ucube illa diese nagamie feiñua. Naimie buena jitai raillano, naimie comena jira, naimie uri illena, iese nagamie feiñua.

Rafue 23.

Nie isoide rana bu maijiacania, naimiena buna rairuiñena. Mare ra illanomo naimie maijia.

Maijille jaca illena, gobierno canua.

Jiaimie iemaijiamona ibana feiñoia, naimie isoi bu maijia, ie maijiamona ibana raise feiñua.

Naimie comena jira, ie comini buena jitai raillano, ibana naimie raise feiñua. Raise feiñoñenia, gobierno naimiena canua.

Rafue 24.

Maijia fuilla mei, bu jafuier oiacania, naimiena buna rairuiñena: Comini are maijitañena, iadedi naimci maijiacana dinori maijia. Fiesta raillaruimo naimaci maijitañena, iadedi nairui facaina ibaca.

Rafue 25.

Ie comini buena jitai raillano, ie maijimonagagamie ibana feiñua. Ie comini raise guillena, iniroi illena, jofo raise illena, remedio ollena, ie diese ibana feiñua. Bu maijinia, bu duia, bu feciñoia ia, bu uaicimana jaia, ie ucube bumo iñenia, gobierno naimiena canua.

Riño jocua facaise gobierno naiñaiñoia canua. Gobierno naga uriaia daje isoi canua. Moorede uruena canua. Naïso moto oga urue daje isoi canua.

Rafue 26.

Nana uruiat escuelamo jaillana buna rairuiñena. Nano jailla años facaina ibatañena. Escuelamo nana uruiatjailla. Primaria fuillanona jinie escuelamo bu jaiacania, iena illaicomini rairuiñena. Rabena uiñotino diese nainomo feiñoga.

Escuelamo naga rafuena raise finuana profesor llofuega. Naga urue comena jira, iese llofuega.

Nana conina nabairillana llofuega.

Rafue 27.

Nie isoide rafue ie nairai finoia, nagamie nainomo jaillana illaicomini rairuiñena. Naie rafue ite ie comeci jaisillena jira, iena rairuiñena.

Nie isoide rana bu cueia, naie mona dama naimie ibana feiñuana buna rairuiñena.

Rafue 28.

Bie rabemo cuega rafue suillena buna rairuiñena. Nana comini bie isoide suille rafue illanomo jainaiaia.

Rafue 29.

Dani coniniri ie illanomo nagamie dajena maijia, nagamie comena jira.

Ie gobierno lloga uai diese nagamie ie jitaillacinona finua. Jiaie cominino ie comecina facajano iena finua. Nana comini uri illana iena finua.

Uri illena Naciones Unidas lloga uaina buna jeare uacaiñena.

Rafue 30.

Bie rafuedo jaiacadinona buna rairuiñena. Bie rafue uiñuamona, bie rabemo lloga rafuena buna jamaiñena.